

JZU BOLNICA „SVETI VRAČEVI“

BIJELJINA

Broj: 1361/25

Dana: 20.03 2025. godine

Na osnovu člana 64. stav (1) tačka a) i člana 70. stav (1), (2), (3) i (6) Zakona o javnim nabavkama BiH („Službeni glasnik BiH“ broj 39/14, 59/22 i 50/24), člana 36. Pravilnika o javnim nabavkama JZU Bolnice „Sveti Vračevi“ Bijeljina, člana 8. Pravilnika o uspostavljanju i radu komisije za nabavke („Službeni glasnik BiH“, broj: 103/14 i 49/23), a na preporuku Komisije za javne nabavke, broj: 6809-3/25 od 17.03.2025. godine, imenovane rješenjem, broj: 6475/24 od 29.11.2024. godine, u postupku javne nabavke za nabavku robe – „Potrošni materijal za potrebe operacione sale“ – otvoreni postupak, broj: 6153/24, objavljenom na Portalu javnih nabavki pod brojem: 106-1-1-455-3-260/24, v.d. direktora JZU Bolnice „Sveti Vračevi“ Bijeljina, donosi:

ODLUKU

o poništenju dijela postupka nabavke za nabavku robe – „POTROŠNI MATERIJAL ZA POTREBE OPERACIONE SALE“ putem otvorenog postupka, broj: 6153/24

Član 1.

U skladu sa članom 69. stav (2) tačka d) Zakona o javnim nabavkama BiH poništava se postupak nabavke za **LOT-1, LOT-3, LOT-10, LOT-16, LOT-33 i LOT-35** jer nijedna od primljenih ponuda nije prihvatljiva.

Član 2.

U skladu sa članom 69. stav (2) tačka a) Zakona o javnim nabavkama BiH poništava se postupak nabavke za **LOT-5, LOT-23, LOT-24 i LOT-30**, jer nije dostavljena nijedna ponuda u određenom krajnjem roku.

Član 3.

U skladu sa članom 69. stav (3) Zakona o javnim nabavkama BiH poništava se postupak javne nabavke za **LOT-9**, obzirom da dva ponuđača za navedeni lot imaju isti broj bodova i da su ponudili identičnu cijenu, te se navedeno nije moglo predvidjeti u vrijeme pokretanja postupka nabavke.

Član 4.

Ova Odluka stupa na snagu danom donošenja i shodno članu 70. stav (6) i članu 71. Zakona o javnim nabavkama BiH, biće proslijeđena ponuđačima koji su učestvovali u postupku javne nabavke uz istovremeno objavljivanje na veb stranici Ugovornog organa: www.bolnicabijeljina.com.

O b r a z l o ž e n j e

U postupku javne nabavke robe – „Potrošni materijal za potrebe operacione sale“ broj: 6153/24, objavljenom na Portalu javnih nabavki pod brojem: 106-1-1-455-3-260/24, po Otvorenom postupku, na protokol JZU Bolnice „Sveti Vračevi“ Bijeljina blagovremeno je zaprimljeno 14 (četrnaest) ponuda:

<i>Reg. Br.</i>	<i>Redni broj omotnice ponude</i>	<i>Naziv ponuđača</i>
6609/24	1.	„Stepmed“ d.o.o. Banja Luka
6724/24	2.	„Ena“ d.o.o. Sarajevo
6755/24	3.	„Plus medical“ d.o.o. Tuzla
6758/24	4.	„Omnia medic“ d.o.o. Zenica
6759/24	5.	„Co.medprom“ d.o.o. Banja Luka
6760/24	6.	„Mipex“ d.o.o. Banja Luka
6763/24	7.	„Adrialine“ d.o.o. Banja Luka
6778/24	8.	„Unifarm“ d.o.o. Lukavac
6782/24	9.	„Pharmacol international“ d.o.o. Banja Luka
6783/24	10.	„Ilimed“ d.o.o. Banja Luka
6784/24	11.	„Medical Partners“ d.o.o. Tuzla
6785/24	12.	„Cherka company“ d.o.o. Mostar
6787/24	13.	„Medical vision“ d.o.o. Tuzla
6794/24	14.	„Medicom“ d.o.o. Bijeljina

Komisija za nabavku imenovana Rješenjem broj 6475/24 od 29.11.2024. godine izvršila je javno otvaranje pristiglih ponuda, pregled, analizu i ocjenu ponuda, te konstatovala sljedeće:

Ponuda „Stepmed“ d.o.o. Banja Luka za lot 1 se odbacuje kao **neprihvatljiva** jer ponuđač nije dostavio traženi dokaz tehničke i profesionalne sposobnosti. Tenderskom dokumentacijom je traženo da je za dokazivanje tehničke i profesionalne sposobnosti potrebno dostaviti Rješenje ili potvrdu o upisu sredstva u Registar lijekova i medicinskih sredstava kod Agencije za lijekove i medicinska sredstva (original ili ovjerena kopija), odnosno EC –Certifikat o uskladenosti ili izjave proizvođača o uskladenosti ponuđene robe sa evropskom direktivom (Declaration of Conformity), ako nema ponuđenih registrovanih sredstava.

Ponuđač „Stepmed“ d.o.o. Banja Luka za lot 1 je dostavio Potvrdu Agencije za lijekove i medicinska sredstva BiH o upisu medicinskih sredstava broj 06-07.4-1-8854-4/18 čiji je rok važenja do 12.05.2024. godine, te se ista ne može prihvatiti.

Ponuda „Stepmed“ d.o.o. Banja Luka za lot 8 se odbacuje kao **neprihvatljiva** jer ponuđač nije dostavio traženi dokaz tehničke i profesionalne sposobnosti. Tenderskom dokumentacijom je traženo da je za dokazivanje tehničke i profesionalne sposobnosti potrebno dostaviti Rješenje ili potvrdu o upisu sredstva u Registar lijekova i medicinskih sredstava kod Agencije za lijekove i medicinska sredstva (original ili ovjerena kopija), odnosno EC –Certifikat o uskladenosti ili izjave proizvođača o uskladenosti ponuđene robe sa evropskom direktivom (Declaration of Conformity), ako nema ponuđenih registrovanih sredstava.

Ponuđač "Stepmed" d.o.o. Banja Luka za lot 8 nije dostavio tražena dokumenta, te se njegova ponuda ne može prihvatiti.

Ponuda „Stepmed“ d.o.o. Banja Luka za lot 15 se odbacuje kao **neprihvatljiva** jer ponuđač nije ponudio proizvod koji ispunjava karakteristike tražene tehničkom specifikacijom tenderske dokumentacije.

Tenderskom dokumentacijom za lot 15 - Kabal za neutralnu elektrodu traženo je:

"stavka 1. Višekratni kabal kompatibilan sa ponuđenom jednokratnom elektrodom i postojećim elektrohirurškim termokauterom Aesculap Nelson Deluxe. Kabal mora sadržavati sigurnosni priključak na strani prema neutralnoj elektrodi;

stavka 2. Jednokratna neutralna pacijent elektroda, provodne površine 144cm² +/-3%, kompatibilna sa postojećim elektrohirurškim termokauterom Aesculap Nelson Deluxe"

Ponuđač „Stepmed“ d.o.o. Banja Luka za lot 15 stavke 1 i 2 nije dokazao da su kopatibilni sa postojećim elektrohirurškim termokauterom Aesculap Nelson Deluxe, te se njegova ponuda odbacuje kao neprihvatljiva.

Ponuda „Stepmed“ d.o.o. Banja Luka za lot 32 se odbacuje kao **neprihvatljiva** jer ponuđač nije ponudio proizvod koji ispunjava karakteristike tražene tehničkom specifikacijom tenderske dokumentacije.

Tenderskom dokumentacijom za lot 32 stavka 2) – Poliester graft traženo je: *„Poliester graft impregniran sa želatinom i izocijanatom ili kolagenom Ø6-8 duž. 60 cm, pojedinačno sterilno pakovanje“*

Komisija je uvidom u dostavljeni katalog utrdila da je ponuđena dužina 70 cm, a ne 60 cm kako je traženo.

Ponuda „Stepmed“ d.o.o. Banja Luka za lot 33 se odbacuje kao **neprihvatljiva** jer ponuđač nije ponudio proizvod koji ispunjava karakteristike tražene tehničkom specifikacijom tenderske dokumentacije.

Tenderskom dokumentacijom za lot 33 – Poliester graft ringovani traženo je: *„Poliester graft impregniran sa želatinom i izocijanatom ili kolagenom Ø6 duž. 60 cm, ringovani, pojedinačno sterilno pakovanje“*

Komisija je uvidom u dostavljeni katalog utrdila da je ponuđena dužina 70 cm, a ne 60 cm kako je traženo.

Ponuda **“Ena” d.o.o. Sarajevo za lot 35** nije dostavljena u skladu sa zahtjevima tenderske dokumentacije.

Za lot 35 tehničkom specifikacijom je tražena: *"1. Antimikrobna incizijska folija od poliestra, debljine 0.025 mm, sa hipoalergijskim akrilatnim ljepilom u koje je inkorporiran 2% jodoform, dimenzija 44x35 cm, sa područjem incizije 34x35 cm*

2. Antimikrobna incizijska folija od poliestra, debljine 0.025 mm, sa hipoalergijskim akrilatnim ljepilom u koje je inkorporiran 2% jodoform, dimenzija 15x20 cm, sa područjem incizije 10x20 cm

3. Antimikrobna incizijska folija od poliestra, debljine 0.025 mm, sa hipoalergijskim akrilatnim ljepilom u koje je inkorporiran 2% jodoform, dimenzija 66x45 cm, sa područjem incizije 56x45 cm

4. Antimikrobna incizijska folija od poliestra, debljine 0.025 mm, sa hipoalergijskim akrilatnim ljepilom u koje je inkorporiran 2% jodoform, dimenzija 90x85 cm, sa područjem incizije 60x85 cm"

Uvidom u izvod iz kataloga za lot 35 komisija je utvrdila da dimenzije ponuđenih proizvoda ne odgovaraju traženim iz tehničke specifikacije, te se ponuda za lot 35 "Ena" d.o.o. Sarajevo odbacuje kao **neprihvatljiva**.

Ponuda „**Omnia medic**“ d.o.o. Zenica za lot 3 se odbacuje kao **neprihvatljiva** jer je tenderskom dokumentacijom određena procijenjena vrijednost 3.800,00 KM bez pdv-a, ponuđena cijena od 11.600,00 KM bez pdv-a prelazi planirana, odnosno osigurana novčana sredstva ugovornog organa za nabavku.

Ponuda „**Omnia medic**“ d.o.o. Zenica za lot 18 se odbacuje kao **neprihvatljiva** jer ponuđeni proizvod ne ispunjava minimalne karakteristike određene tehničkom specifikacijom.

Tehničkom specifikacijom za lot 18 je traženo:

- „1. Fogartijev arterijski embolektomijski kateter, graduisan na 10 cm, **radiosenzitiv**, prečnik 2 F, upotreb.dužina 60 cm, kapacitet balona napunjenog tečnošću 0,15 ml sterilno, pojedinačno pakovanje
2. Fogartijev arterijski embolektomijski kateter, graduisan na 10 cm, **radiosenzitiv**, prečnik 3 F, upotreb.dužina 80 cm, kapacitet balona napunjenog tečnošću 0,20 ml sterilno, pojedinačno pakovanje
3. Fogartijev arterijski embolektomijski kateter, graduisan na 10 cm, **radiosenzitiv**, prečnik 4 F, upotreb.dužina 80 cm, kapacitet balona napunjenog tečnošću 0,70-0,75 ml sterilno, pojedinačno pakovanje
4. Fogartijev arterijski embolektomijski kateter, graduisan na 10 cm, **radiosenzitiv**, prečnik 5 F, upotreb.dužina 80 cm, kapacitet balona napunjenog tečnošću 1,50 ml sterilno, pojedinačno pakovanje
5. Fogartijev arterijski embolektomijski kateter, graduisan na 10 cm, **radiosenzitiv**, prečnik 6 F, upotreb.dužina 80 cm, kapacitet balona napunjenog tečnošću 2,0 ml sterilno, pojedinačno pakovanje“

Ponudač nije dokazao za stavke 1, 2, 3, 4 i 5 lota 18 da je ponuđeni proizvod radiosenzitiv, te se njegova ponuda za lot 18 odbacuje kao neprihvatljiva.

Ponuda „**Co.medprom**“ d.o.o. Banja Luka za lot 8 se odbacuje kao **neprihvatljiva** jer ponudač nije dostavio traženi dokaz tehničke i profesionalne sposobnosti. Tehničkom specifikacijom tražena je Heimlich valvula, ponudač nije dostavio dokaz da je ponudio traženi tip valvule.

Ponuda „**Co.medprom**“ d.o.o. Banja Luka za lot 10 se odbacuje kao **neprihvatljiva** jer ponudač nije dostavio traženi dokaz tehničke i profesionalne sposobnosti. Tenderskom dokumentacijom je traženo da je za dokazivanje tehničke i profesionalne sposobnosti potrebno dostaviti Rješenje ili potvrdu o upisu sredstva u Registar lijekova i medicinskih sredstava kod Agencije za lijekove i medicinska sredstva (original ili ovjerena kopija), odnosno EC –Certifikat o uskladenosti ili izjave proizvođača o uskladenosti ponuđene robe sa evropskom direktivom (Declaration of Conformity), ako nema ponuđenih registrovanih sredstava.

Ponudač „**Co.medprom**“ d.o.o. Banja Luka za lot 10 nije dostavio tražena dokumenta, te se njegova ponuda ne može prihvatiti.

Ponuda „**Co.medprom**“ d.o.o. Banja Luka za lot 32 se odbacuje kao **neprihvatljiva** jer cijena prelazi planirana, odnosno osigurana novčana sredstva ugovornog organa za

nabavku. Procijenjena vrijednost za lot 32 je 9.000,00 KM bez pdv-a, dok ponuda „Co.medprom“ d.o.o. Banja Luka iznosi 9.600,00 KM bez pdv-a.

Ponuda „Mipex“ d.o.o. Laktaši za lot 36 se odbacuje kao **neprihvatljiva** jer ponuđač nije dostavio traženi dokaz tehničke i profesionalne sposobnosti.

Tenderskom dokumentacijom je traženo da je za dokazivanje tehničke i profesionalne sposobnosti potrebno dostaviti Rješenje ili potvrdu o upisu sredstva u Registar lijekova i medicinskih sredstava kod Agencije za lijekove i medicinska sredstva (original ili ovjerena kopija), odnosno EC –Certifikat o uskladenosti ili izjave proizvođača o uskladenosti ponuđene robe sa evropskom direktivom (Declaration of Conformity), ako nema ponuđenih registrovanih sredstava. Primjena uslova za dokazivanja tehničke sposobnosti kandidata (član 48. i 49. ZJN BiH) pod c), i dokaza traženih za ispunjavanje navedenog uslova (pod c) primjenjuje se samo ukoliko ne bude ponuđenih medicinskih sredstava upisanih u registar kod Agencije za lijekove i medicinska sredstva BiH i ukoliko ista ne budu ponuđena. Neregistrovano sredstvo će se nabavljati po proceduri i uslovima utvrđenim Pravilnik o proizvodnji i prometu na veliko medicinskih sredstava (Službeni glasnik BiH broj 71/12). Prilikom odabira prednost će imati registrovana medicinska sredstva koja ispunjavaju minimalne tehničke karakteristike. Ukoliko za određeni lot nijedan ponuđač ne dostavi dokaz o registraciji ponuđene robe (Rješenje Agencije za lijekove i medicinska sredstva BiH kao dokaz da je ponuđena roba registrovana u Bosni i Hercegovini), u postupak ocjene za taj lot će se uzeti ponude onih ponuđača koji ispunjavaju ostale propisane uslove.

Ponuđač „Mipex“ d.o.o. Laktaši za lot 36 nije dostavio tražena dokumenta, nego je dostavio izjavu proizvođača ponuđene robe da ista nije klasifikovana kao medicinsko sredstvo, međutim za isti lot drugi ponuđač dostavio je potvrdu o upisu u Registar medicinskih sredstava, te se u skladu sa svim naprijed navedenim ponuda „Mipex“ d.o.o. Laktaši za lot 36 odbacuje kao **neprihvatljiva**.

Analizom ponude ponuđača „Ilimed“ d.o.o. Banja Luka, uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da je ponuda imenovanog ponuđača **za LOT-1, LOT-2, LOT-4, LOT-7, LOT-10, LOT-11, LOT-12 neprihvatljiva** za Ugovorni organ, jer ponuđena cijena za navedene lotove prelazi planirana, odnosno osigurana novčana sredstva ugovornog organa za nabavku, i to:

Procijenjena vrijednost za lot 1 je 6.500,00 KM bez pdv-a, dok ponuda „Ilimed“ d.o.o. Banja Luka iznosi 31.896,00 KM bez pdv-a.

Procijenjena vrijednost za lot 2 je 1.000,00 KM bez pdv-a, dok ponuda „Ilimed“ d.o.o. Banja Luka iznosi 2.827,80 KM bez pdv-a.

Procijenjena vrijednost za lot 4 je 1.200,00 KM bez pdv-a, dok ponuda „Ilimed“ d.o.o. Banja Luka iznosi 2.718,00 KM bez pdv-a.

Procijenjena vrijednost za lot 7 je 10.500,00 KM bez pdv-a, dok ponuda „Ilimed“ d.o.o. Banja Luka iznosi 24.368,00 KM bez pdv-a.

Procijenjena vrijednost za lot 10 je 6.500,00 KM bez pdv-a, dok ponuda „Ilimed“ d.o.o. Banja Luka iznosi 24.480,00 KM bez pdv-a.

Procijenjena vrijednost za lot 11 je 1.700,00 KM bez pdv-a, dok ponuda „Ilimed“ d.o.o. Banja Luka iznosi 9.060,00 KM bez pdv-a.

Procijenjena vrijednost za lot 12 je 9.200,00 KM bez pdv-a, dok ponuda „Ilimed“ d.o.o. Banja Luka iznosi 30.960,00 KM bez pdv-a.

Zbog navedenog ponuda ponuđača „Ilimed“ d.o.o. Banja Luka je neprihvatljiva za LOT-1, LOT-2, LOT-4, LOT-7, LOT-10, LOT-11, LOT-12.

Komisija je izvršila uvid u dostavljenu dokumentaciju te zaključila da je ponuda „**Medical Partners**“ d.o.o. Tuzla za lot 15 neprihvatljiva, jer ne ispunjava uslove zadate tehničkom specifikacijom.

Naime, tehničkom specifikacijom za lot 15 stavka 2 traženo je: „2. Jednokratna neutralna pacijent elektroda, **provodne površine 144cm² +/-3%**, kompatibilna sa postojećim elektrohirurškim termokauterom Aesculap Nelson Deluxe“

Ponuđač je dostavio ponudu za proizvod koji ne ispunjava zahtjev koji se odnosi na provodnu površinu elektrode, te se njegova ponuda za dati lot neprihvatljiva.

Komisija je izvršila u dostavljenu dokumentaciju te zaključila da je ponuda „**Medical Vision**“ d.o.o. Tuzla za lot 16 neprihvatljiva, jer ne ispunjava uslove zadate tehničkom specifikacijom.

Naime, tehničkom specifikacijom za lot 16 stavka 2) traženo je: „Vaskularni PTFE jednoslojni graft sa V- porozitetom **Ø6mm** dužina 70cm, pojedinačno sterilno pakovanje“

Ponuđač je dostavio ponudu za proizvod sa kataloškim brojem V 1103530. Ponudeni proizvod ne ispunjava zahtjev tehničke specifikacije jer je obilježen dijametar 5mm, a tražen je 6mm, te je njegova ponuda za dati lot neprihvatljiva.

Ponuda „**Medical Vision**“ d.o.o. Tuzla za lot 20 je neprihvatljiva, jer ne ispunjava uslove zadate tehničkom specifikacijom.

Tehničkom specifikacijom za lot 20 stavka 1) traženo je: „Vaskularni PTFE jednoslojni graft sa V- porozitetom ringovani **Ø6-10mm dužina 50cm**, pojedinačno sterilno pakovanje“

Uvidom u katalošku dokumentaciju, te Potvrde Agencije za lijekove i medicinska sredstva o upisu u registar medicinskih sredstava, komisija je utvrdila da je ponuđač „Medical Vision“ d.o.o. Tuzla za lot 20 stavka 1) ponudio proizvod dužine 60 cm, te je njegova ponuda za dati lot neprihvatljiva.

Pouka o pravnom lijeku

Protiv ove Odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke. Žalba se može izjaviti u roku od 10 dana od dana prijema odluke. Žalba se izjavljuje na način propisan članom 99. Zakona o javnim nabavkama.


V.D. DIREKTOR

Prim. dr. Mikajlo Lazić

Dostavljeno:

- Ponuđačima
- Odsjeku za javne nabavke
- a/a